



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHITRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.206/2025

Paneli Zgjedhor për Ankesa dhe Parashitresa (PZAP), i përbërë nga gjyqtarët: Kymete Kicaj kryesuese, Skender Çoçaj dhe Bujar Muzaqi - anëtarë, duke vendosur përkitazi me ankesën e Subjektit Politik Partia Demokratike e Kosovës (PDK), me seli në Prishtinë, ka paraqitur ankesë kundër Subjektit Politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Kuvendin e Republikës së Kosovës, që do të mbahen më datë 09 Shkurt 2025, në seancën e panelit të mbajtur me 29.01.2025, merr këtë:

V E N D I M

- I. Pranohet e bazuar ankesa e subjektit politik Partia Demokratike e Kosovës (PDK), me seli në Prishtinë, Anr.206/2025 e datës 26.01.2025,
- II. Subjektit Politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 2,500.00 (dymijepesëqind) euro.
- II. Detyrohet Subjekti politik Lëvizja Vetëvendosje (LVV), me seli në Prishtinë, që gjobën e shqiptuar si në pikën -I-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datë 26.01.2025 PZAP-i, ka pranuar një ankesë nga Subjekti Politik Partia Demokratike e Kosovës (PDK), me të cilën pretendon se më datë 25.01.2025, rreth orës 16:00 në Komunën e Klinës, Subjekti Politik LVV, ka mbajtur tubimin në Palestrën e Sportit "Adem Jashari", dhe e njëjta në kundërshtim me dispozitat ligjore të Ligjit për Zgjedhjet e Përgjithshme, ka penguar gazetarët në kryerjen e detyrave të tyre profesionale, me ç 'rast gjatë pengimit të tyre kanë përdorur edhe gjuhë që nxitë apo ka mundur të nxisë dikë që të përdorë dhunë apo të nxisë urrejtje.

Më tutje parashtruesi i ankesës ka theksuar se aktivisti dhe organizatori i tubimit, nga subjekti politik LVV, gjatë këtij incidenti i është drejtuar gazetarëve me fjalët "Po fluturoni prej këtuhi!", madje e kanë penguar punën e gazetarve në përmbushjen e detyrave të tyre

profesionale gjatë gjirimit të kësaj situatë nga kameramani si dhe i njëjti ia rrëmben telefonin kameramanit nga dora.

Po ashtu në ankesë është theksuar se një ngjarje e tillë paraqet shkelje të rëndë të rregullave zgjedhore, që cenon rëndë funksionin elementar dhe paresor të gazetarve dhe ka për qëllim friksimin dhe kercnimin e te njëjtëve të cilën tashme ky subjekt politik nuk ka hezitur që ta shperfaq edhe përmes deklaratimit të hapur në mediat perkatëse, kerkojn nga PZAP-I që ankesa të aprovohet si e bazuar dhe ndaj subjektit politik LVV të shqiptohet denimi me gjobë.

Si provë ka bashkangjitur: Ftesën për tubimin e Levizjes Vetvendosje të mbajtur në Komunën e Klinës, në Palestra e sportit “ Adem Jashari”, për datën 26 janar, në ora 16:00, e publikuar në rrjetin social Facebook, si dhe një CD nga tubimi.

Më datë 27.01.2025, PZAP-i, e njoftoi subjektin politik Lëvizja Vetëvendosje (LVV) për ankesën e paraqitur kundër tyre, duke i dërguar kërkesë për përgjigje.

Në përgjigje në ankesë të paraqitur me datë 28.01.2025, Subjekti Politik Lëvizja Vetëvendosje (LVV) theksohet se fillimisht ankesën e kundërshtojnë për arsye se konsiderojnë se e njëjta vetëm tekstualisht mbështetet në fakte, ndërsa nga provat materiale të bashkangjitura evidentojnë vetëm njoftimin për tubimin e mbajtur nga Subjekti Politik LVV, me çka Subjekti Politik PDK ka dështuar të mbështes në dëshmi të qarta dhe bindëse ankesën e saj ashtu siç ligji e detyron kur vendos të parashtrijë një ankesë, sipas Nenit 117 paragrafi 3 i LZP-së.

Më tej thuhet se në mungesë të kësaj prove (corpus delict), e cila do ta bënte subjektin politik VETËVENDOSJE! përgjegjës ashtu siç pretendohet, e kemi të pamundur që edhe të arsyetojmë pretendimet tona për arsye se nuk e kemi të qartë se çka është objekt i ankesës, duke e konsideruar si të palejuar këtë ankesë.

Për më tepër në pikën 2 ankuesi thotë se ka pasur edhe elemente të dhunës, si marrja me forcë e telefonit, veprime këto që bien në domenin penal, duke e bërë përgjegjësinë personale të personit që e ka shkaktuar dhe jo objektive të subjektit Politik LVV. Nga rrethanat e rastit duke analizuar të gjitha provat një nga një dhe të gjitha së bashku kërkojmë nga Paneli Zgjedhor për Ankesa dhe Parashtrësia, që kjo ankesë të hedhet poshtë si e pabazuar.

Paneli, pasi që shqyrtoj të gjitha shkresat e lëndës, konstatoi se:

Ankesa është e bazuar

Paneli, pas shikimit të shkresave të lëndës dhe video incizimit e ofruar si provë materiale e cila është bashkangjitur në ankesë, ka vërtetuar se aktivisti dhe organizatori i tubimit, nga subjekti politik LVV, ka penguar punën e gazetarëve në përmbushjen e detyrave të tyre profesionale gjatë xhirimit të kësaj situatë nga kameramani, te njëjtit ia rrëmben telefonin kameramanit nga dora, duke përdorë fjalët “*Po fluturoni prej këtuhi*”, me ç’rast subjekti politik LVV ka shkelur nenin 34, paragrafi 1.5 të LZP-së i cili përcakton “*Gjatë periudhës së fushatës, subjekti politik, mbështetësit ose kandidatët e tij, ndalohen nga pengimi ose tentimi për pengimin e gazetarëve për të përmbushur detyrat e tyre profesionale*”.

Paneli, konform nenit 13 par. 6 të Rregullave dhe Procedurave të PZAP-it, Nr. 01/2024, me datë 29.01.2025, ndërmori hetim lidhur me pretendimet e paraqitësit të ankesës dhe gjeti se të

njëjtat janë të bazuara, sepse veprimet e tilla janë kundërshtim me nenin 34, paragrafi 1.5 të LZP-së .

Sipas Panelit, Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës, demokracisë, paqes dhe respektit për sundimin e ligjit.

Andaj Paneli gjeti se veprimet e tilla të subjektit politik LVV , është në kundërshtim me Kodin e Mirësjelljes për Subjektet Politike, Mbështetësit e tyre dhe Kandidatët, gjegjësisht me dispozitat e nenit 34 LZP-së ku janë të përcaktuara veprimet e ndaluara të subjekteve politike dhe me këto veprime janë shkelur dispozitat e 34, paragrafi 1.5 të LZP-së.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se veprimi që përben përsëritje të shkeljes për nga natyra është i njëjtë apo ngjashëm, se veprimi i tillë paraqet shmangie për te promovuar mbrojtjen e gazetareve dhe akterëve tjerë të medias gjatë kryerjes së detyrave të tyre, pjesëmarrjen e subjektit në fjalë në zgjedhjet e mëparshme që konsiston në faktin se subjekti politik Lëvizja Vetëvendosje (LVV), ka qenë i njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore.

Prandaj lidhur me këtë çështje PZAP-i, ankesën e parashtruar e konsideron të bazuar konform dispozitës ligjore të nenit 117 paragrafi 3 i Ligjit nr. 08/L-228 për Zgjedhjet e Përgjithshme në Republikën e Kosovës.

Përveç të cekurave më lartë Paneli, me rastin e vendosjes i vlerësoi edhe të gjitha pretendimet tjera të përgjigjes në ankesë, mirëpo të njëjtët ishin të pabazuara, të pa qëndrueshme dhe pa bazë ligjore si në dispozitat e Ligjit për Zgjedhje, dhe si të tilla nuk ishin me ndikim për një vendim ndryshe, për çka Paneli, vlerësoi dhe vendosi si në dispozitiv të këtij vendimi.

Nga arsyet e theksuara me lart, e në kuptim të nenit 34 paragrafi 1 nën paragrafi 1.5) nenit 118 paragraf 1 dhe nenit 120 paragrafi 1 nën paragrafi 1.3 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrës

Anr. 206/2025 më datë 29.01.2025

Kryesuese e Panelit
Kymete Kica



Këshilla Juridike: Kundër këtij vendimi nuk lejohet ankesa konform nenit 118 par. 1 të LZP-së.